



SULERIAASSISAQ

Kommunalbestyrelse

Kommunalbestyrelsip ataatsimiittarneri

§ 1. Kommunalbestyrelsep ataatsimiinneri tamanut ammasuupput. Kommunalbestyrelsilli aalajangersinnaavaa suliassat ataasiakkaat matoqqasumik suliarineqassasut, Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq aqutsineq pillugu inatsimmik taagorneqartoq § 9 naapertorlugu.

Imm. 2. Suliassani makkua Kommunalbestyrelse pissutsini ataasiakkaani allatut ittumik aalajangiisimanngippat - matoqqasumik suliarineqartassapput:

1. Suliassani aalajangiiffigineqartussani inunnut ataasiakkaanut tunngasunik naliiisoqassatillugu
2. Suliassat illusinnermut imaluunniit tunisinermut tunngassuteqarpata
3. Missingersuutit imaluunniit negeroorutit sanaartormut, sullissinnerut pisiniartarfinnullu tunngasut

Imm. 3. Kommunalbestyrelsip kommunimi atorfillit suliassani matoqqasumik suliarineqartussani najuunnissaannut pisinnaatissinnaavai. Kommunalbestyrelsip suliani matoqqasumik suliarineqartussani inuit allat najuunnissaannut pisinnaatissinnaavai, taamaaliornissaq suliassap paasisaqarfigineqarnissaanut pingaaruteqarsimappat (aqutsineq pillugu inatsimmi § 9, imm. 2 naapertorlugu).

Imm. 4. Paasissutissat matoqqasumik ataatsimiinnermi eqqartorneqarsimasut sulialluunniit allat isertuunneqartussat, inatsisitigut nipangiussisussaataaneermik aalajangersakkatigut killiliivigineqarput. Nipangiussisussaataaneq, pissutsit suliap matoqqasumik suliarineqarneranut atuuttut kommunimut imaluunniit allanut sunniuteqarsinnaasut atuunnerat tamaat atuutissaaq.

Imm. 5. Suliassap matoqqasumik oqaluuserineqarnissaanut tunngavissaqarneranut apeqqut matoqqasumik oqaluuserineqassaaq, tamanna Kommunalbestyrelsimit imaluunniit Borgmesterimit aalajangerneqarpat, aqutsineq pillugu inatsimmi § 9, imm.1 naapertorlugu.

Imm. 6. Suliassat matoqqasumik ataatsimiinnermi suliarineqartut ajornartinnagu kingulliullugit suliarineqartassapput.

Imm. 7. Kikkulluunniit Kommunalbestyrelsip ammasumik ataatsimiinneri inissaqarunik najuuffigisinnaavaat aamma eqqissisimasumik torersumillu tusarnaartuusinnaagunik. Tusarnaartup oqaluuserinninnerit akornusersorpagit Borgmesterip pineqartoq imaluunniit pisariaqartinneqarpat tusarnaartut tamaasa ataatsimiinnermit qimagutsissinnaavai.



Borgmesterip tusagassiortut aallartitaasa immikkut ittumik inissaqartinneqarnissaat inniminnarsinnaavaa.

Imm. 8. Kommunalbestyrelsip ammasumik ataatsimiinnerisa TV-kkut radiukkulluunniit aallakaatinneqarnissaat, Kommunalbestyrelsip akuerisinnaavai.

Imm. 9. Kommunalbestyrelse ukiup naatsorsuusiorfiusup naannginnerani Kommunalbestyrelsip ukiumi tullermi ileqqusumik ataatsimiittarnissai pillugit pilersaarusiussaaq.

Imm. 10. Kommunalbestyrelsip ukiup tullianut ataatsimiittarnissaminut pilersaarutini ukiut naatsorsuusiorfiusut aallartinneri tamaasa kommunip nittartagaatigut tamanut nalunaarutigalugit saqqummiuttassavai. Ataatsimiittarnissanut pilersaarutit tamatuma peqatigisaanik Naalakkersuisunut nassiunneqartassapput (aqutsineq pillugu inatsimmi § 8, imm. 1 naapertorlugu).

Imm. 11. Immikkut ittumik ataatsimiittoqartassaaq Borgmesterip pisariaqartippagu, imaluunniit ilaasortat ikinnerpaamik pingajorarterutaasa tamanna piumasaqaatigippassuk. Nalunaarutiginninneq sapinngisamik imm. 10 naapertorlugu pissaaq, tamannalu Naalakkersuisunut ilisimatitsissutigineqassaaq (aqutsineq pillugu inatsimmi § 8, imm. 3 naapertorlugu).

Kommunalbestyrelsimut ilaasortat ataatsimeeqataasinnaajunnaarnerat

§ 2. Ilaasortaq Kommunalbestyrelsip ataatsimiinneranut peqataasinnaanngikkuni tamanna Borgmesterimut allakkatigut nalunaarutigissavaa, sapinngisamik siusinnerpaamik aamma kingusinnerpaamik ataatsimiinnissaq ullunik marlunnik sioqqullugu, tamannali ajornarpat peqataasinnaannginnermut pissutaasoq kiisalu peqataasinnaannginnerup sivilissusua nalunaarutigissavai. Ataatsimiinnerit ataasiakkaat tamaasa aalajangiinernut imaqaarniliornerni ilaasortat kikkut peqataasimannginnerat aamma sinniisoq kina paarlattaalluni peqataasimasinnaasoq pillugit tamatigut allanneqartassapput.

Imm. 2. Kommunalbestyrelsip ataatsimiinnissaani ilaasortaq napparsimanini, naartunini, erninini, meeravissiartaarnini, inuiaqatigiinni sullissisussaatailluni pisussaaffiligaanini, inuutissarsiutini assigisaalluunniit pissutigalugit ataatsimeeqataasinnaajunnaarpat ilaasortap pisinnaanngitsup qinigaqaatigisimasaasa, aamma kisimiillutik qinigassanngortissimasut, piumasarisinnaavaat sinniisussaq ataatsimiigiaqquneqassasoq.

Imm. 3. Kommunalbestyrelsip aalajangissavaa sinniisussap ataatsimeeqataanissaanut piumasaqaatit naammassineqarsimanersut (aqutsineq pillugu inatsimmi § 15, imm. 3 naapertorlugu).

Kommunalbestyrelsimut ilaasortat iliuuseqarsinnaatitaanerit

§ 3. Kommunalbestyrelsimut ilaasortaq kinaluunniit kommunip susassaarfii pillugit Kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliaq suliareqqinnissaa pillugu



Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Imm 2. Ilaasortap suliamik oqaluuserisassanut ilanngussinissamik kissaatigisaanik Kommunalbestyrelse itigartitsissinnaavoq, suliaq siusinnerusukut Kommunalbestyrelsip suliarisimasaanut assingusuuppat. Itigartitsinerli pisinnaanngilaq suliami paasissutissanik nutaanik peqarpat, imaluunniit oqaluuserineqarnerani kingullermi tunngaviatigut annertuumik allannguuteqartoqarsimappat.

Imm 3. Ilaasortap siunnersuutai Kommunalbestyrelsip tulliani ataatsimiinnissaa sioqqullugu Pisortaqatigiit Allatseqarfianut piffissaalluartillugu tunniunneqassapput, suliami paasissutissat aamma Kommunalbestyrelsimut inassuteqaasiornissaaq eqqarsaatigalugit. Ilaasortaq ataatsimiinnissaaq kingusinnerpaamik ulluinnarnik 10-nik sioqqutsilluni suliasamik allakkatigut oqaluuserisassanngortitsiumasimappat, suliasaq Borgmesterimit ataatsimiinnissamut oqaluuserisassanut ilanngunneqassaaq.

Imm 4. Kommunalbestyrelsimut ilaasortaq kinaluunniit kommunip susassaarfii pillugit apeqquteqaateqarsinnaavoq. Apeqquteqaat naatsuliarineqarsimassaaq ersarissuliaasimassalluni naatsumillu tunngavilersuutitaqassalluni. Apeqquteqaat allaganngorlugu apeqquteqaatigineqassaaq, Pisortaqatigiit Allatseqarfianut tunniunneqassallunilu.

Pisortaqatigiit Allatseqarfiata apeqquteqaat ingerlatsivimmi pisortamut susassaqartumut ingerlateqqissavaa, taassumalu nalilissavaa apeqquteqaat allaffissornikkut akissuteqarfigineqarsinnaanersoq. Apeqquteqaatit allaffissornikkut akissuteqarfigineqarsinnaasut akissuteqarfigineqassapput sapinngisamik ulluinnaat 10-t qaangiutsinnagit. Apeqquteqaat allaffissornikkut akissuteqarfigineqarsinnaanngippat apeqquteqaat akissuteqarfigiumallugu ataatsimiititamut susassaqartumut ingerlateqqinneqassaaq.

Apeqquteqaatit allaffissornikkut ulluinnaat 10-t sinnerlugit akineqartut aamma ataatsimiititamut susassaqartumut akissuteqarfigeqqullugit tunniunneqarsimasut pillugit, apeqquteqaateqartoq ilisimatinneqartassaaq.

Apeqquteqaatip kiisalu akissuteqaatip assilineri Kommunalbestyrelsimut ilaasortanut tamanut ataatsimoortillugit nassiunneqassapputtaaq.

Apeqqutit akissutillu kommunip nittartagaani saqqummiunneqassapput. Apeqqut imaluunniit akissut paasissutissanik isertuussassanik imaqarpat, apeqqut akissutaalu tamanut saqqummiunneqassanngillat, taamaallaalli Kommunalbestyrelsimut ilaasortanuinnaq nassiunneqassallutik.

Imm. 5. Kommunalbestyrelsimut ilaasortaq kinaluunniit qinikkatut sulinerminut atatillugu suliasap aalajangersimasup taamatut isikkoqarluni inerneranik kommunip allaffeqarfiani inissisimasumik misissuilluni aqqusaartuisinnaatitaavoq.

Suliami aalajangersimasumi takunnissinnaatitaanermik piumasaqarneq toqqaannartumik Pisortaqatigiit Allatseqarfianut nassiunneqassaaq.



Pisortaqatigiit Allatseqarfia/Borgmesteri ingerlatsivimmik pineqartumik suliaq qanoq ittoq pineqarnersoq pillugu aamma taanna takunnissinnaatitaanermik piumasaqaatit naapertorlugit takuneqarsinnaanersoq isumasiussaaq, aqutsineq pillugu inatsit § 12 naapertorlugu.

Borgmesterimit ilaasortaq akineqassaaq piumasaqarneq akuerineqarsimanersoq imaluunniit itigartinneqarsimanersoq, itigartinneqarsimappallu suna tunngavigalugu itigartinneqarsimanersoq.

Piumasaqarneq akuerineqarpat, ullut suliffiusut arfineq-pingasut iluini suliamut atortussat allaffeqarfiimmit pissarsiarineqassapput Kommunalbestyrelsimi ilaasortamullu pineqartumut nassiunneqarlutik. Naapertuuttut nalilerneqarpat Kommunalbestyrelsimut ilaasortaq isumaqatigiissuteqarnikkut suliami paasissutissanik takunnissinnaavoq ingerlatsivimmut pineqartumut nammineerluni ornigulluni.

Oqaluuserisassat nassiunneqartarnerat suliallu saqqummiunneqartarnerat

- § 4. Borgmesterimit inassutigineqassaaq, kingusinnerpaamik ileqquusumik ataatsimiinnissaq ulluinnat sisamat sioqqullugit oqaluuserisassat ilanngussallu Kommunalbestyrelsimut ilaasortanit pissarsiarineqarsimanissaat suliat naliliiffigineqarnissaat siunertaralugu (aqutsineq pillugu inatsimmi § 8, imm. 4 naapertorlugu).

Oqaluuserisassat ilanngussallu politikerit isaavianni elektroniskiusumi pissarsiarineqarsinnaapput, atortorissaarut taanna aqqutigalugu politikerit ataatsimiinnerni atugassaat passunneqartarput.

Oqaluuserisassat nassiunneqarnerisa kingorna aalajangiussassatut siunnersuummik takuttoqassagualarpat, kisianni piffissamik ima eqqutigaluni taanna oqaluuserisassanut ilanngunneqarsinnaalluni/ilanngunneqartussaalluni, tapiliussatut oqaluuserisassanngortinneqassaaq, taannalu oqaluuserisassat nalinginnaasumik nassiunneqartarnerisulli malittarisassat assingi malillugit ilaasortanut nassiunneqassaaq. Tapiliussatut oqaluuserisassanik nassiussinerni immikkoortoq imaluunniit immikkoortut ileqquusumik ataatsimiinnermi oqaluuserisassani ilanngunneqarsimannginnerannut tunngavilersuutit tamatigut ilanngunneqartassapput.

Oqaluuserisassat, oqaluuserisassatut siunnersuutit aamma atortussat kommunimi allaffissornermit suliarineqartut kalaallisut qallunaatullu allassimassapput. Ilanngussat avataaneersut atortussallu allat kommunimi allaffissornermit suliarineqarsimanngitsut oqaatsit taakkua suliarineqarneranni atukkat atorlugit saqqummiunneqassapput.

Imm. 2. Kommunalbestyrelsimut ilaasortat tamarluinnarmik Pisortaqatigiit Allatseqarfianut saaffiginninnermikkut suliat ilisimatitsissutigineqaannartut pillugit paasissutissanik nassinneqarsinnaapput. Atortussat tamakku ataatsimiinnissaq kingusinnerpaamik ullunik sisamanik sioqqullugu ilaasortanut nassiunneqartassapput peqataanillu politikerit suliffianni ilaasortanut tamanut paasissutissiinertalinnik tigoraaannanngortinneqartassallutik.

Imm. 3. Immikkut ittumik ataatsimiinnissamut ataatsimiigiaqqusinnermi Borgmesteri suliaassanik ataatsimiinnermi suliarineqartussanik sapinngisamik annerpaamik ilaasortanut ilisimatitsissuteqassaaq.



Aalajangiislinnaassuseqarneq

§ 5. Kommunalbestyrelse aalajangiislinnaassuseqarpoq ilaasortat ikinnerpaamik affaat peqataappata (aqutsineq pillugu inatsimmi § 11, imm. 1 naapertorlugu).

Imm. 2. Immikkut aalajangersaasoqarsimatinnagu aalajangiinerit amerlanerussuteqarnikkut pisassapput (aqutsineq pillugu inatsimmi § 11, imm. 1 naapertorlugu).

Imm. 3. Borgmesteri, taannalu peqataasinnaatinnagu Borgmesterip tullia siulleq (aappaaluunniit), Kommunalbestyrelsip ataatsimiinnerinik siulersuisarpoq. Suliarineqartut siulersorneqarneranni apeqqutini tamani Borgmesteri aalajangiisarpoq, ataatsimiinnerullu torersumik ingerlannissaa nakkutigissallugu. Taamatuttaaq oqaluuserisat immikkoortui taasissutigineqartussat Borgmesterip oqaasertaliiffigisassavai.

Imm. 4. Kinaluunniit oqaaseqarusuttoq Borgmesterimut saaffiginnissaaq, taassumalu oqaaseqarumallutik nalunaartut tulleriinneri malillugit oqaaseqartittassallugit. Partiiilli oqaaseqarnerit partiit angissusii malillugit tulleriinneqassapput. Arlallit oqaaseqarumallutik ataatsikkut nalunaarpata, Borgmesterip aalajangertassavaa qanoq tulleriinneqarlutik oqaaseqassanersut.

Imm. 5. Ileqqorissaarnissaaq pisariaqalersoq pillugu Borgmesteri aalajangiussaqaqpat ilaasortap kialluunniit tamanna naalassavaa ilaasortaq ataatsimiinnermi ataatsimi marloriarluni torersumik pissuseqaqquneqarsimappat Borgmesterip siunnersuuteqarneratigut, ataatsimiinnermi tassani Kommunalbestyrelse ilaasortamik oqaaseqaqqusiunnaarsinnaavoq.

Imm. 6. Oqaluuserinninnermut atasumik siunnersuutit tamakkerlutik Borgmesterimut saaffiginnissutigineqartassapput. Borgmesterip tamanna pisariaqartippagu, imaluunniit ilaasortat 3-t qinnutigippassuk, oqaluuserinninnerup naammassisutut isigineqartariaqarnera taasissutigineqassaaq, ilaasortat tamatumingga kissaateqartut tamarmik ataasiarlutik oqaaseqareerpata.

Imm. 7. Borgmesteri apeqqutini taassumangga aalajangiiffigisassaataasunik Kommunalbestyrelsimit aalajangiiffiginitsitsisinnaavoq.

Ataatsimiinnernik aqutsineq

§ 6. Suliassat Borgmesterip aalajangiineratut tulleriinnilerlugit suliarineqartassapput. Taamaattumik ullormut oqaluuserisassat tulleriinnerat Borgmesterimit malinngitsoorneqarsinnaavoq.

Imm. 2. Kommunalbestyrelsili aalajangiissaaq suliassat qanoq tulleriinneqarlutik suliarineqassanersut pillugit, tamanna ilaasortat 3-t taasissutigineqarnissaat piumasaqaatigippassuk.

Imm. 3. Kommunalbestyrelse aamma aalajangersinnaavoq ullormut oqaluuserisassanut ilaangitsunik suliassanik allanik ilanngussiumalluni, taakku utaqqisinneqarsinnaanngippata nalornissutissartaqanngippataluunniit.



Imm. 4. Kommunalbestyrelsimi isumaqatigiilluni suliat allat suliarineqarnissaat akuerineqarsinnaavoq, taakku oqaluuserisassatut siunnersuummi ilaangikkaluarpataluunniit.

Imm. 5. Ilaasortaq kinaluunniit ataatsimiinnerup aallartinnerani oqaluuserisassamik oqaluuserinninnissamik qinnuteqarsinnaavoq, taakkununga ilaallutik apeqqutit suliasat matoqqasumik ataatsimiinnermit ammasumik ataatsimiinnermut, imaluunniit paarlattuanik, nuussinissaq siunertaralugu.

Suliasat saqqummiunnegarnerat

§ 7. Suliasap ataatsip ataasiaannarlugu suliarineqarnissaa pisariaqarpat, inatsiliornermi immikkut ittumik allatut aalajangiisoqarsimanngippat, imaluunniit Kommunalbestyrelsip isumaqatigiissutigisimappagu marloriarluni suliarineqassasoq. Kommunimi aqutsinermik ileqqoreqqusaq § 1 naapertorlugu marloriarluni suliarineqassaaq.

Imm. 2. Aqutsinissamik ileqqoreqqusap siullermeerlugu aamma aappassaaneerlugu suliarineqarnerata akornanni sivikinnerpaamik ullunik 14-inik akuttussuseqartumik suliarineqassapput, aqutsineq pillugu inatsimmi § 1 naapertorlugu.

Imm. 3. Suliasaq marloriarlugu oqaluuserisassanngortinneqarpat tassunga pappiaqqat paasissutissanik imallit siullermeerlugu suliarineqarnerata kingorna suliarineqarsimasut sapinngisamik ilaasortanit takuneqarsinnaasunngorlugit saqqummiunnegartassapput, imaluunniit taakkua akornanni kaajallaasinneqassallutik.

Aalajangiinissamut tunngavissaq

§ 8. Suliat taamaallaat Kommunalbestyrelsimi oqaluuserineqarsinnaapput, Aningaasaqarnermut Inuussutissarsiornermullu Ataatsimiititamit ataatsimiititamillu susassaqaartumit inassuteqaateqartoqarsimanngippat. Kommunalbestyrelse aalajangersinnaavoq suliaq akuersissutigineqassasoq imaluunniit itigartissutigineqassasoq imaluunniit suliaq ataatsimiititamut oqaluuserisassanngorlugu innersuussinnaavaa. Kommunalbestyrelsip matumani aalajangersinnaavaa suliasaq, ataatsimiititap aalajangersimasup susassaqarfianut attuumassuteqanngitsoq, ataatsimiititamut ataavartumut innersuussutigineqaaqaassanersoq.

Suliat Kommunalbestyrelsip iluani pissutsinut, Kommunalbestyrelsimut ilaasortat ivertinneqarnerinut tunuarnerinullu, ataatsimiinnissanut pilersaarutinut, Kommunalbestyrelsimut ilaasortat akissarsiaqartinneqarnerinut, ilaasortat inuussutissarsiuatiminnit pisussaajunnaartitaanerannut, sinniisunik aggersaasarnernut assigisaannullu tunngatillugu, ataatsimiititanut oqaluuserisassanngorteqqaarneqaratik oqaluuserineqassapput.

Imm. 2. Kommunalbestyrelse isumaqarpat suliasaq aalajangiiffigineqartinnagu ataatsimiititami immikkut ittumi oqaluuserineqaaqqittariaqartoq ataatsimiititamik naleqquttumik pilersitsissaaq ataatsimiititalu ilaasortaasa amerlassusissaanik aalajangiilluni, aqutsineq pillugu inatsimmi § 31, imm. 3 naapertorlugu.



Imm. 3. Kommunalbestyrelse allatut aalajangersimanngippat immikkut ataatsimiititaq siulittaasumik nammineerluni qinersisuusaaq. Ataatsimiititaq allatamik Borgmesterimut nassuiaasiussaaq, taassumalu taanna Kommunalbestyrelsimi ilaasortanut agguaatissallugu.

Imm. 4. Immikkut ataatsimiititaq katitigaanissaa Kommunalbestyrelsip aalajangissavaa taakkulu suliassaannut malittarisassiussalluni.

Ilaasortat sulianut attuumavallaarsinnaanerat

§ 9. Ilaasortat ilaat suliassami aalajangersimasumi inuttut ima soqutigisaqartiginersaq suliassaq taanna pillugu Kommunalbestyrelsip oqaluuserinninnerani taasineranilu peqataanngitsoortariaqarnersaq Kommunalbestyrelsip aalajangiiffigissavaa. Taama ittoqartillugu pineqartoq suliaq pillugu isumaqatigiinniarnermi taasinermilu ataatsimiiffimmiit anissaaq taamaattoqli suliaq pineqartup eqqartorneqarnernani ilaasortaq anissanersaq pillugu Kommunalbestyrelsip isumaqatigiinniarnernani taasineranilu peqataasinnaalluni.

Imm. 2. Pissutsinik suliassamut soqutigisaqarnermik apeqqummut nalornissutigisitsisinnaasunik peqarpat ilaasortap Kommunalbestyrelse tamatuminnga ilisimatissavaa (aqutsineq pillugu inatsimmi § 14, imm. 2 naapertorlugu).

Ilaasortat oqaluuserinninnermi taasinermilu peqataasarnerat

§ 10. Ilaasortat Kommunalbestyrelsip isumaqatigiinniarnerni taasinerinilu taamaallaat peqataasinnaapput taakkunani nammineerlutik najuunnersikkut.

Imm. 1. Kommunalbestyrelse aalajangersinnaavoq, ilaasortat ilaat naapilluni ataatsimiinnermut ilaasussatut telefonikkut videokonferencekkullu peqataasinnaasut, soorlu aamma Kommunalbestyrelse aalajangersinnaasoq ataatsimiinneq taamaallaat oqarasuaatikkuinnaq imaluunniit videokonferenckkuinnaq ingerlanneqassaq.

Imm. 2. Kommunalbestyrelsimut ilaasortaq teknologi atorlugu attaveqaatikkut Kommunalbestyrelsip isumaqatigiinniarnerni taasinerinilu peqataasinnaatitaavoq, aqutsineq pillugu inatsimmi tamatumunnga malittarisassat naapertorlugit, aqutsineq pillugu inatsimmi § 11, imm. 2 naapertorlugu.

Taasinerit

§ 11. Taasinerit pisassapput ilaasortat issiavimminniit nikuinnerisigut, nappaanerisigut, telefonikkut toqqaannartumik oqarnerisigut imaluunniit teknologi atorlugu attaveqaatit allat ikiortigalugit peqataanerisigut, imaluunniit elektroniskimik taasissutikkut.

Imm. 2. Aalajangiinerit tamarmik taasineri amerlanerussuteqarnikkut pisassapput, inatsisiliornikkut allamik periuseqarnissamik najoqqutassaqartitsisoqanngippat. Taasineri amerlanerussuteqarneq imatut paasineqassaaq, taasissutigineqartumi pineqartumi taasinerit amerlanerussuteqassasut. Taasineri isumaqataasut akerliusullu amerlaqatigiippata ullormut oqaluuserisassani immikkoortoq atorussaajunnaartutut isigineqassaaq.



Imm. 3. Borgmesterip aalajangiineratigut allakkatigut taasisoqarsinnaavoq, imaluunniit ilaasortap ataatsip tamanna piumasaqaatigippagu. Ilaasortanut oqarasuaat videolu atorlugu peqataasunut tunngatillugu taakku e-mailikkut assigisaatigulluunniit taasisinnaapput.

Ilaasortat taasinngitsoornissaminnut pisinnaatitaaffeqarput imaluunniit arlaannaannulluunniit attuumannngitsumik taasisinnaapput.

Imm. 4. Borgmesteri isumaqaruni Kommunalbestyrelsip suliassamut isummenera nalorninaatsuusoq taasissutigineqarnissaalu pisariaqarani, taava Kommunalbestyrelsip suliassamut isummeneranut paasinninnini oqaatigissavaa. Tamatuma kingorna ilaasortat arlaannaalluunniit taasisitsinissamik piumasaqaateqanngippat Borgmesteri nalunaaruteqassaaq nammineq paasinninnini naapertorlugu oqaatigisamisut suliassaq aalajangiivigineqartoq.

Imm. 5. Allakkatigut qinersisoqassatillugu allagartat qinersiffissat atorneqassapput Borgmesterimillu agguanneqarlutik. Borgmesterip ilimagippagu qinigassanngortitaq aalajangersimasooq imaluunniit qinigassanngortitat aalajangersimasut Kommunalbestyrelsimiit qinigaaniartut imaluunniit qinigaqqinniartut, siunnersuuteqarsinnaavoq pineqartoq (-tut) allakkatigut taasinertaqanngitsumik qinigaassasoq (-sut). Tamatuma kingorna ilaasortat arlaannaalluunniit taamatut taasisoqarnissamik piumasaqaateqanngippat qinigassanngortitaq (-tat) qinigaasutut isigineqassaaq (-sapput).

Allannguutissatut - aamma allannguutaaqqittussatut siunnersuutit

§ 12. Allannguutissatut aamma allannguutaaqqittussatut siunnersuuteqartoqarsinnaavoq taasisitsineq aallartinneqarsimanngippat.

Allannguutissatut- aamma allannguutaaqqittussatut siunnersuutit Kommunalbestyrelsip ataatsimiinnerani oqaluuserineqartartunut suugaluanulluunniit tunngasut pillugit ilaasortamit kimilluunniit saqqummiunneqarsinnaapput.

Suliassat marloriarlugit Kommunalbestyrelsimi oqaluuserineqartussat aappassaaneerinissap tungaanut allannguutissatut aamma allannguutaaqqittussatut siunnersuutigineqarsinnaapput. Suliap siullermeerlugu oqaluuserinerani allanngortinneqaratarsinnaanera naatsorsuutigissallugu pisariaqanngilaq.

Imm. 2. Kommunalbestyrelse suliassani marloriarlugit oqaluuserisassani allannguutissatut siunnersuutinin saqqummiussinissaminut, aamma pissutsit aallaavigalugit allannguutaaqqittussanik siunnersuutit eqqarsaatigalugit najoqqutassanik akuersissutiginnissinnaavoq. Taamatut pisoqartillugu taakkua piffissaliussap qaangiunneratigut saqqummiunneqarsinnaanngillat, kommunalbestyrelsimi amerlanerussuteqartut tamanna akuerisimanngippassuk.

Imm. 3. Allannguutissatut siunnersuut -aamma allannguutigiteqqitassatut siunnersuut aappassaaneerlugu oqaluuserinninneq sioqqullugu ilaasortanut ilisimasassatut tunniunneqarsimanngippat Borgmesteri, siunnersuutip oqaluuserineqalernerata aallartinnerani taanna pillugu nalunaaruteqassaaq, tamatumanili apeqqutaassalluni pappiaranngorlugit tunniunneqarsimanersut. Borgmesterip aalajangissavaa allannguutissatut siunnersuutit qanoq tulleriinnilerlugit taasissutigineqassanersut, imatulli isikkulerlugit, taakkua



taasissutigineqarneri siunnersuutip pingaarnrup taasissutigineqarnissaa sioqqullugu pisassalluni.

Imm. 4. Suliap suliarineqarnerani suliaq taanna pillugu isumaqatigiinniarnit naammassineqareerpata suliap taassuma ataatsimiititamut innersuussutigineqarnissaa ilaasortat kikkulluunniit kissaatigisinnaavaat. Taamatut kissaateqartoqarpat isumaqatigiinniarneq naammassipat Borgmesterip suliaq ataatsimiititamut attuumassutilimmut innersuussutigissavaa, tamatuma taasissutigineqarnissaa kissaatigineqarsimanngippat. Suliaq pillugu isumaqatigiinniarnit aallarereersut ataatsimiititamut toqqaannartumik innersuussisoqarnissaa siunnersuutigineqarpat isumaqatigiinniarnit unitsinneqassapput tamatumalu kingorna Kommunalbestyrelse ataatsimiititami suliarinninnissamut tunngasumik aalajangiissalluni.

Ataatsimiititamut innersuussuteqarnissamut tunngasoq allannguutissatut siunnersuutaasinnaasut pillugit taasisoqannginnerani taasissutigineqassapput.

Qinigassanngortittunik qinersineq – amerlanerussuteqarnikkut qinersineq

§ 13. Amerlanerussuteqartitsilluni qinersinermi qinigassanngortittoq ilaasortanit najuuttunit amerlanerpaanit taaneqartoq qinigaassaaq. Qinigassanngortittut arlaannaalluunniit amerlanerussuteqanngippat nutaamik qinersisoqassaaq. Taasineq taanna qinigassanngortittumut amerlanerussuteqarlunnartumik taasiffiunngippat qinigassanngortittut aappasaanik taasinermi qinerneqarnerpaat akornanni pingajussaanik taasisoqassaaq. Amerlaqatigiinnik qinersisoqarpat makitsinikkut aalajangiisoqassaaq, aqutsineq pillugu inatsimmi § 37 naapertorlugu.

Imm. 2. Kommunimi atorfinittussamik taasisitsisoqartillugu imaluunniit atorfinitsitsinissamik inassuteqaateqartoqartillugu qinnuteqaateqartut arlallit akornannit toqqaaneq periuseq imm. 1-imi taaneqartoq naapertorlugu pissaq.

Qinigassanngortittunik qinersineq – agguaqatigiissitsinikkut qinersineq

§ 14. Suliassat Borgmesterip aalajangiineratut tulleriinnilerlugit suliarineqartassapput. Taamaattumik ullormut oqaluuserisassat tulleriinnerat Borgmesterimit malinngitsoorneqarsinnaavoq.

Kommunalbestyrelsimi ataatsimiititamut, kommissioninut, siulersuisunut assigisaannulluunniit ilaasortassanik marlunnik amerlanerusunilluunniit qinersisoqartillugu agguaqatigiissitsinikkut qinersinertut ingerlanneqartassapput (aqutsineq pillugu inatsimmi § 36 naapertorlugu).

Imm. 2. Qanoq amerlassuseqarneq tunngavigalugu qinersineq ingerlanneqassaaq D'Hondtip periaasia tunngavigalugu imaattunik malittarisaqarluni: Qanoq amerlassuseqarneq tunngavigalugu qinersinerit ingerlanneqassapput imatut: Kommunalbestyrelsimi ilaasortat immikkoortunut agguaatissapput qinersinissami pineqartumi qanoq taasiumanerlutik Borgmesterimut nalunaaruteqarsimanertik malillugu. Gruppit tamarmik immikkut ilaasortatut amerlassusaat agguaanneqassapput 1, 2, 3, il. il. Amerlassutsillu kingorna saqqummersut tulleriaarlugit pissapput, tassani suleqatigiit ataasiakkaat namminneq aallartitassatik



toqqarsinnaallugit. Agguaqatigiissitsinermi inernerit marluk imaluunniit amerlanerit naligiippata tulleriinnissaq makitsinikkut Kommunaldirektørimit isumagineqassaaq. Gruppit ataasiakkaat ilaasortaataqarsinnaanerit naapertorlugu sinniisorisassaasa amerlassusissaat aalajangerneqarpat gruppit erniinnaartumik Borgmesterimit nalunaarutigissavaat inuit kikkut toqqarsimaneritik. Gruppi ataatsip sinniisoqarfissaq ataaseq arlallilluunniit ilaasortaataqarfigerusunngissinnaavai. Taamatut pisoqartillugu inissat inuttaqanngitsut periusissaq siuliani taaneqartoq naapertorlugu gruppinut allanut agguanneqassapput.

Imm. 3. Ataatsimiititani, kommissionini, siulersuisuni assigisaannilu ilaasortassat Kommunalbestyrelsimi ilaasortat ilaasortaangitsullu akornannit qinerneqassappata, ilaasortat Kommunalbestyrelsimi qinerneqartussat agguaqatigiissitsinikkut qinersinermi ataatsimiititanut il.il. immikkut qinerneqassapput. Suleqatigiit ilaasortaataqartussat tulleriiaarlutik Kommunalbestyrelsimi ilaasortat ilaasortaangitsullu- toqqassavaat inissat tamarmiusut inuttalernerqarnissaasa tungaanut.

Imm. 4. Ataatsimiititanut, kommissioninut, siulersuisunut assigisaannullu, Borgmesterip pinngitsoorani ilaasortaaffigisassaanut, ilaasortassanik Kommunalbestyrelse qinersitillugu Borgmesterip inissaq pissarsiarisaa agguaqatigiissitsinikkut gruppimut Kommunalbestyrelsimi Borgmesterip ilaaffigisaanut inissanik tunniussanut naatsorsuutigineqassaaq.

Imm. 5. Ataatsimiititami, kommissionimi, siulersuisuni assigisaanniluunniit ilaasortaq Kommunalbestyrelsip isumaqatigiinneratigut imaluunniit taasinertaqanngitsumik toqqagaappat, tamatuma peqatigisaanik aalajangiisoqassaaq inissaq inuttaqarunnaarpat gruppi sorliup inuttaliivigissaneraa (tak. imm. 6).

Imm. 6. Ataatsimiititami, kommissionimi, siulersuisuni assigisaanniluunniit ilaasortaq, Kommunalbestyrelsimi gruppimit aalajangersimasumit qinigaalluni ilaasortaasoq qinigaaffiup atuunnerani, ilaasortaajunnaarpat inissaq inueruttoq gruppimit taassumangga inuttaliivigineqassaaq.

Aalajangernerit pillugit imaqarniliaq

§ 15. Kommunalbestyrelsip aalajangiineri imaqarniliami allanneqassapput. Ilanngunneqartut atuarneqareerpata aalajangiinernit imaqarniliaq ataatsimiinnerup naanerani ilaasortanit tamanit ataatsimiinnermi peqataasunit atsiorneqassaaq. Ilaasortat taasinerannut allatigulluunniit pissuteqartumik imaqarniliap atsiornertigut pinaasersinnaanngillat, aqutsineq pillugu inatsimmi § 16, imm. 1 naapertorlugu. Ilaasortat oqarasuaatitigut ataatsimeeqataasimasut aalajangiinermi imaqarniliap atsiornissaanut e-mailikkut assigisaatigulluunniit ataatsimiinnerup naanerani atsiornermik nassitsinneqassapput.

Imm. 2. Ilaasortap kialuunniit piumasarisinnaavaa isummani allaasoq imaqarniliamut naatsumik allanneqaqqullugu, sulianilu pisortatut oqartussaasumut allamut ingerlateqqitassani piumasarisinnaallugu taassuma aamma imaqarniliap imaanik ilisimatinneqarnissaa. Ilaasortap taassuma suliap nassiunneqarneranut ilanngussinnaavaa isummernerminut tunngaviliussani (aqutsineq pillugu inatsimmi § 16, imm. 1 naapertorlugu).

Imm. 3. Aalajangiinernit imaqarniliaq atsiorneqareerlunilu allaqqissaarneqareerpat Borgmesterip ataatsimiinnerup naammassinerata kingorna sapinngisamik qaammatip



ataatsip qaangiunnerani imaqarniliap assilineqarnera Naalakkersuisunut nassiutissavaa, aamma matoqqasumik ataatsimiinnermi aalajangiinerit ilanngullugit (aqutsineq pillugu inatsimmi § 16, imm. 4 naapertorlugu).

Borgmesterip aqutsinissaminut pisinnaatitaaffii

§ 16. Ilaasortaq kinaluunniit pisussaavoq aqutsinissamik aalajangersakkat qanoq paasineqarnissaannik Borgmesterip aalajangiinera utaqqiisaasumik naalassallugu, apeqquilli Kommunalbestyrelsip ataatsimiinnissaanut tullermut suliaasangortinneqarsinnaavoq.

§ 17. Suleriaasissaq manna maajip ulluisa pingajuanni 2021-mi atuutilerpoq.

Taamaalilluni maajip ulluisa pingajuanni 2021 Kommunalbestyrelsip ataatsimiinnerani akuersissutigineqarpoq.

Charlotte Ludvigsen
Borgmesteri